

《佛說無量壽經》 補充講表

◎附表三十二：

※其三惡者，世間人民，相因寄生，共居天地之間。

《圓覺經》彌勒菩薩章云：「一切眾生從無始際，由有種種恩愛貪欲，故有輪迴。若諸世界一切種性，卵生、胎生、濕生、化生，皆因淫欲而正性命。當知輪迴，愛為根本。由有諸欲，助發愛性，是故能令生死相續。」

《圓覺經講義附親聞記》云：「無始：指晦昧真心以來，晦昧真心，轉變妄想。恩愛貪欲：由茲繁興，故以種種言之。恩有二：一、報上之恩，如父母師長。二、惠下之恩，如子孫男女。然有恩即有愛，或愛上貪財物，欲行孝敬；愛下貪利祿，欲全育養。凡此皆牽連生死，招致往復。故云由有種種恩愛貪欲，故有輪迴。」

《楞嚴經》卷六云：「婬心不除，塵不可出。縱有多智，禪定現前；如不斷婬，必落魔道。」

※天神剋識，別其名籍。……日月照見，神明記識。……如是眾惡，天神記識。

《六十華嚴》卷四十八《入法界品》：「人從生有二種天常隨侍衛，一曰同生，二曰同名。天常見人，

人不見天」。

《藥師琉璃光如來本願功德經》：「諸有情有俱生神，隨其所作，若罪若福，皆具書之，盡持授與琰

魔法王。爾時彼王推問其人，算計所作，隨其罪福而處斷之」。

吉藏大師於《無量壽經義疏》云：「一切眾生皆有二神，一名同生，二名同名。同生女在右肩上書其

作惡，同名男在左肩上書其作善。四天善神一月六反，錄其名籍，

奏上大王。」